

Anniversari

Col so bel caratter con la sua grinta
i so idej e tanta buna volontà
al pudeva restà che un pu d'an ammò
e trovà sempar quai coss da fa

Un Brianzoo Doc ca diseva sempar quel che al pensava
sempar pront a inventà e dass da fa
decis in di so intervent da carità
quand bisugnava lottà per realizzà

Provem a pensà un mument al so operaa
che la fa in tutt i so an, cercà, laurà, e dunà
Dai facc pusee simplic a quej difecil, complicaa.
Lu al sé mai tirà indre e tanti podan testimonià

Da risci n'a curuu e minga poch
ma da difensur ga neva da part sua
anca un por asnen in una via
un de l'è mort in vece sua

Al vureva insegnam la mesa dal Perosi
e per sprunam al diseva, si tutt stunaa.
L'era esigent e infen l'è riusii
l'è sta un success da tutt ben apprezzaa

Per i giuvin al saveva piò se fa
ul teatar lo sport ul canto
la sempar dà e disem tanto con generosità
che quand l'è partì in Mission ghera un paes intreg
a caragnà

A Roma al Pime l'era attiv quan l'era Respunsabil
e non un de decidum da na a troval
al ma ricevuu in dun studi tant modest
che sa ma creduv ghera gna da pensal...

A non tusan al ma da in man un strascett bel culuraa
e al des, nem sti mia lè a cinquantala,
che cume veduf ghè in gir un pu da pulvar
anca me la vedi ma, go minga temp da fala

In tutt quell che al diseva l'era scett
e distant da credas un perfètt
l'umiltà la simpatia la semplicità
eran i unich frequentatuur da la sua cà

E in tant'an da Episcopaa
Lu al sé sempar sentuu semplicemente Don
e nom inscè l'hem sempar rispetaa
stimaa e sempar prunt a contental

Adess al ghè piò l'è so apress al Signuur a vardà giò
ma per nom l'è mai na via
Anzi, lè adess che al cumincia a comandà
e tutt al sentum comè sal fóss in cà

E sempar sota la sua guida
sa riess quaicoss a realizzà
e quell che in tutt sti an l'è sta faa
lavaresum propi mai pensaa

Alura forza gent lasemas minga na
cerchem, pensem, fasem senza lasass condizionà
dal cert ga sarà piò confen cancei puntei
perchè con Lu visen sa sentarem tutt fradei

Da Erba a Marituba con tutt i bisugnuus
sarem una famiglia benedida dal Signur
e mai content da ringrazià
per ul tesor che al ma vuru lasà

Un tesor dificil da calcolà
che l' Erbess per sempar onorarà
Grazie o Signur, grazie a te caro Don,
se voruf cambià i rop fasii
ma vardii ca sian sempar pusee bón

Mari 2015